

Da denn gewiß ein jederman/wird hören was er hat gethan/in sei-
nem ganzem Leben.

O weh demselben welcher hat/des H̄erren Wort verachtet:/
Vnd nur auff Erden fru vnd spat. Nach grossem gut getrachtet.
Er wird fürwar gar kalt bestehn / vnd mit dem Sathan müssen
gehn/von Christo in die Hellen.

O Jesu hilff zur selben zeit / Von wegen deiner Wunden :/
Das ich im Buch der Seligkeit / werd angezeichnet funden /
Daran ich denn auch zweifsel nicht / denn du hast ja den Feind
gericht/vnd meine schuldt bezahlet.

Derhalben mein Fürsprecher sey / wenn du nu wirst erschei-
nen:/: Und lish mich aus dem Buche frey/Darinnen stehn die dei-
nen. Auff das ich sampt den Brüdern mein / Mit dir geh in den
Himmel nein/den du vns hast erworben.

O Jesu Christ du machst es lang/mit deinem Jüngsten tage:/
Den Menschen wird auff Erden bang / von wegen vieler Plage.
Kom doch/kom doch du Richter groß/vnd mach vns in der gnaden
Ios/vom allem vbel/Amen.

Ein anders

Im Thon: Vater unser im Himmelreich.

Weil in der argen bösen Welt/viel falsch Urtheil werden ge-
fert/Vnd manchem viel zu kurz geschicht/der sein recht kan
bekomen nicht/vnd manche böse Bubenstück/werden getra-
gen vberück.

Drumb wird Gott halten ein Gericht/vnd alles bringen an dß
Liecht/davon istt niemand mucken thar/wird er alls machen offen-
bar/vnd wird kein Gewalt mehr gehn für recht/wie jetzt klagt man-
cher armer knecht.

Rr 2

Für